



**10 Desember 2022**  
**Daniel 12:1-13**



**Patuh Seh Pendungi**



Pengenehenen Daniel i bas perjumpanna ras malaikat si make uis linen, ituriken me maka lit paksa pendungi kegeluhen i doni enda. Ope lenga seh masa pendungi e, lit pagi kesusahen si mesangat si lenga pernah bage jadi kidekah bangsa-bangsa ijadiken. Kesusahen si mesangat e nderpa kerina bangsa-bangsa si enggo lit. Tapi bangsa si tersurat gelarna i bas buku kegeluhen e terkelin me. Banci kataken enda me wari penghakimen i ja lit pagi proses pendungi kegeluhen i doni enda. Enterem pagi kalak si enggo mate nggeluh mulihi, deba ngenanami keriahne kegeluhen si rasa lalap, deba mela akapna seh rasa lalap. Singenanami keriahen si rasa lalap e e me si megiken ras si ndalanken kata Dibata tupung geluhna i doni enda, si nggit robah i bas lagu langkahna si lepak nari, ras pemimpin-pemimpin si mabai rakyatna erkemalangen man Diabta. Si ndatken kemelan seh rasa lalap e me si meganjang ukurna, si erpengakap maka kebeluhenna ngaturken kerina kegeluhenna, la erpersukuten man Dibata, janah ibahanna dibata-dibata sideban jadi dibatana. Kalak si bage ngelatihi bana alu sia-sia alu encubaken ngertiken si jadi arah pemetehna jine. Kiniseran si mesangat e pagi dekahna 3,5 tahun. I je me pagi kalak si tek ibersihken tapi kalak jahat la ngerti kai si jadi, janah enda tetap jadi rahasia man kalak jahat.

Teridah maka sijahat tetap nge lit upahna, ras si mehuli pe lit nge upahna sue ras kai si ibahanna. Man daniel ras man banta pe ipesingeti maka tetap tutus seh ku wari pendungi. La mobah erkiniteken amin gia jadi kiniseran si mesangat i bas kegeluhen. *Labo rasa lalap, lit nge pagi pendungina.*



Blank writing area with a light blue background and a wavy top edge.